



ՎԵՀԱՓԱՌ ՀԱՅՐԱՊԵՏԸ ԱՆԳԼԻԱՅՈՒՄ

Ժամանում Լոնդոն

Փետրվարի 6-ին, շաբաթ, Ամենայն Հայոց Վեհափառ Հայրապետը Լոնդոն է հասնում տեղական ժամանակով ժամը 5-ին, ընկերակցությամբ Իր մնայուն շքախմբի անդամների և Հայկ Գալուստյանի, և օդանավակայանում դիմավորվում է Անգլիայի հայոց հայրապետական պատվիրակ Ս. Պսակ արքեպիսկոպոսի, Ս. Ներսես, Ս. Արսեն, Ս. Տաթև վարդապետների, Ս. Սարգիս եկեղեցու խնամակալության և համայնքային ժողովի անդամների, այդ թվում՝ Նուպար Կյուպենեկյանի, Է. Պեննեյանի, Հ. Մուրաֆյանի, Ա. Խաչատուրյանի, Պետրոս Ալեքսյանի և Լոնդոնահայ կաղմակերպությունների ու խումբերամ բաղմունքյան կողմից:

Ամենայն Հայոց Վեհափառ Հայրապետի ժամանումը ողջունում է նաև Քենտրբերիի արքեպիսկոպոսի ներկայացուցիչը:

Հանուն Լոնդոնի հայ գաղութի, Ամենայն Հայոց Վեհափառ Հայրապետի շնորհաբեր ներկայությունը ողջունում է Հ. Մուրաֆյանը:

Նորին Ս. Օծուրթյունը, օրհնելով բոլոր ներկաներին, Իր Հայրապետական ուրախությունն է հայտնում ջերմ դիմավորության և սրտագին ընդունելության համար:

Այնուհետև Վեհափառ Հայրապետը առաջնորդվում է Լոնդոնի հայոց Ս. Սարգիս եկեղեցին, ուր հավաքված խումբերամ բաղմունքյունը ջերմորեն ողջունում է Իր Հայրապետի օրհնաբեր ժամանումը:

Եկեղեցու զանգերի ղողանջի ներքո, Վեհափառ Հայրապետը «Հրաշափառ»-ով մուտք է գործում եկեղեցի, ուր սպասում էին զանազան կրոնական համայնքների պատկանող բարձրաստիճան հոգևորականներ:

Եկեղեցական արարողության ավարտին, Ամենայն Հայոց Վեհափառ Հայրապետի ժամանումը Լոնդոն ողջունում են Անգլիայի հայոց հայրապետական պատվիրակ Ս. Պսակ արքեպիսկոպոսը և Քենտրբերիի արքեպիսկոպոս Նորին Սրբությունը դուրս. Մայքլ Ռեմզիի ներկայացուցիչ Լոնդոնի եպիսկոպոս Դեյվիդ սրբազանը, որը մասնավորաբար շնչում է, որ Անգլիկան եկեղեցին և համայն հավատացյալ անգլիկան ժողովուրդը որոշել են սուրբ պատարագի մատուցմամբ, աղոթքով և քարոզով, ապրիլի 24-ին ոգեկոչել հայկական եղեռնի 50-ամյակը, որին զոհ են գնացել շուրջ երկու միլիոն անմեղ հայ նահատակներ:

Ամենայն Հայոց Վեհափառ Հայրապետը Իր գոհունակությունն է հայտնում բոլոր եկեղեցիների ներկայացուցիչների ներկայու-



Վեհափառ Հայրապետը, ամպրովանու տակ, առաջնորդվում է Լոնդոնի հայոց Ս. Սարգիս եկեղեցին:

Քյան համար Լոնդոնի հայոց Ս. Սարգիս եկեղեցում և իր մասնավոր շնորհակալությունը՝ Քենտրեբրիի արքեպիսկոպոսի ներկայացուցչին, նրա եղբայրական, ջերմ խոսքերի համար, ապրիլյան եղեռնի 50-ամյակի առթիվ մեր նահատակների հիշատակին արտաւանդված, և օրհնում է բոլոր ներկա հավատացյալներին, մաղթելով աշխարհին խաղաղություն, անգլիկան ժողովրդին, Եկեղեցուն և երկրին՝ բարգավաճում և բարօրություն:

Նորին Ս. Օծությունը հյուրընկալվում է Լոնդոնի հայոց Ս. Սարգիս եկեղեցու առաջնորդարանում, վայելելով որդիական ջերմ և սիրալիր հոգատարությունը Տ. Պսակ արքեպիսկոպոսի, իսկ շքախմբի անդամները առաջնորդվում են «Պրինս ավ Վելս» հյուրանոցը:

Հայրապետական սուրբ պատարագ և քարոզ Լոնդոնի հայոց Ս. Սարգիս եկեղեցում

Փետրվարի 7-ին, կիրակի, Վեհափառ Հայրապետը, առավոտյան ժամը 10-ին, Լոնդոնի հայոց Ս. Սարգիս եկեղեցում, մատուցում է հանդիսավոր սուրբ պատարագ և իր պատգամով ու օրհնությամբ մխիթարում իր հոգևոր զավակներին:

Ամպհովանու տակ և հայրապետական լրիվ զգեստավորման մեջ, Նորին Ս. Օծությունը առաջնորդվում է եկեղեցի, բարեպաշտ ժողովրդի սրտագին ուրախության և բարեմաղթությունների ներքո:

Եկեղեցին լիքն է հավատացյալներով: Աջակողմյան և ձախակողմյան դասերում տեղ են գրավել մասնավոր հրավիրյալներ, այդ թվում՝ Քենտրեբրիի արքեպիսկոպոսի ներկայացուցիչ Տ. Դեյվիդ եպիսկոպոսը, կանոնիկոս Հ. Դեյվիդ Տեստոնը, Անգլիայում պապական նվիրակ Կարդիալի արքեպիսկոպոսը՝ Երկերակցությամբ Անգլիայի Կաթոլիկ եկեղեցու առաջնորդ Տ. Քաշման եպիսկոպոսի, Անգլիայում Հույն Օրթոդոքս եկեղեցու պետ Ս. Արեմագորաս արքեպիսկոպոսը, Անգլիայում Ռուսական եկեղեցու պետ Տ. Անտոնի արքեպիսկոպոսը, մի շարք բողոքական համայնքների ներկայացուցիչներ, ինչպես նաև Զիրբալտարի նախկին եպիսկոպոս ժերոննազարդ Տ. Պեստոնը և ուրիշներ:

Հայրապետական սուրբ պատարագին ներկա են նաև Ս. Սարգիս եկեղեցու խնամակալության խորհրդի անդամները, Լոնդոնի հայ համայնական կազմակերպությունների ներկայացուցիչները և հոծ բազմություն:

Ս. Սեղանին սպասարկում են Տ. Պսակ և Տ. Կոմիտաս սրբազանները, Տ. Արսեն և Տ. Տաթև վարդապետները:



Քենտրեբրիի Արքեպիսկոպոսի ներկայացուցիչը և Անգլիայի հայոց հայրապետական պատվիրակ Տ. Պսակ արքեպիսկոպոսը առաջնորդվում են եկեղեցի

Եկեղեցու երկսեռ դպրաց դասը ներդաշնակորեն կատարում է սուրբ պատարագի բառաձայն երգեցողությունը:

Բոլոր ներկաները, հայ թե օտար, երկյուղածությամբ և հիացումով են հետևում հայրապետական սուրբ պատարագին:

«Հայր մերի»-ից առաջ քարոզում է Ամենայն Հայոց Վեհափառ Հայրապետը՝ «Հաւատամք ի մի Աստուած, ի Հայրն Ամենակալ» բնարանով: Նորին Ս. Օծությունը իր քարոզում խոսում է Հայ եկեղեցու առաքելական ծագման և Ս. Գրիգոր Լուսավորչի տեսիլքով և ջանքերով Հայ եկեղեցու կազմակերպման և այն կենդանի ու վառ հավատի մասին, որը Ա. դարից սկսած պայծառ է մնացել հայ քրիստոնյա ժողովրդի հոգում, հակառակ նրա կրած անլուր տառապանքների և նահատակության, և հույս է հայտնում, որ քրիստոնեական եկեղեցիների իրարհասկացողությունն ու համագործակցությունն է՛լ ավելի ամրապնդում են մեր քրիստոնեական հավատը աշխարհում, մասնավանդ մեր օրերին, ներկա պայմանների մեջ:

Իր քարոզի վերջում, Հայոց Հայրապետը բարեմաղթություններ է անում Անգլիայի Թագուհու արեւատության և անգլիացի ժողովրդի բարօրության համար: Ներկա քույր

եկեղեցիների ներկայացուցիչներին ուղղած շնորհակալության խոսքով ավարտվում է Նորին Սրբության քարոզը:

Այնուհետև, եկեղեցական թափուրով, Վեհափառ Հայրապետը առաջնորդվում է եկեղեցու հյուրասենյակը, ուր ժողովուրդը աջահամբույրով իր սերն ու երախտագիտությունն է հայտնում Հայոց Հայրապետին:

Ժամը 1-ին, առաջնորդարանում, ի պատիվ Հայոց Վեհափառ Հայրապետի և քույր եկեղեցիների ներկայացուցիչների, տրվում է ճաշկերույթ, որն անցնում է քրիստոնեական, եղբայրական ջերմ մթնոլորտում:

Կիրակի, երեկոյան ժամը 8—10, Վեհափառ Հայրապետը առաջնորդարանում բարեհաճում է ընդունել մի շարք պաշտոնական և անհատական այցելություններ:

Փետրվարի 8-ին, երկուշաբթի, առավոտյան ժամերին, Վեհափառ Հայրապետը առաջնորդարանում ընդունում է բազմաթիվ այցելություններ:

Ժամը 1-ին «Կրոսավենը հաուզ» հյուրանոցի դահլիճում, Լոնդոնի հայոց համայնական խորհուրդը և հայ կանանց հանձնաժողովը, ի պատիվ Հայոց Հայրապետին, կազմակերպում են ընդունելություն, որին ներկա են խորհրդի բոլոր անդամները՝ է. Պենենյան (նախագահ), Ա. Մուրաֆյան (փոխ-նախագահ), Հրանտ Աբանյան (ատենադպիր), Հայկ Գալստյան, Ա. Խաչատուրյան, տիկին Սրբունի Մատթաթ, տիկին Ֆուրա Աբանյան, տիկին Տիգրանունի Հիլի, տիկին Վեռժին Կյուպենկյան, տիկին Սիրարփի Սուլթանյան, տիկին Հերմինե Բոյանյան (տիկնանց հանձնաժողովից):

Հավաքույթ «Կենսական տառն հոլ»-ում

Փետրվարի 8-ին, երկուշաբթի, երեկոյան ժամը 8-ին, Լոնդոնի հայոց համայնական խորհուրդը, օգտվելով Ամենայն Հայոց Վեհափառ Հայրապետի Լոնդոն գտնվելու բարեպատեհ առիթից, «Կենսական տառն հոլ»-ի մեջ կազմակերպում է հավաքույթ:

Սույն պատմական հանգիստն է ներկա էր շուրջ 500 հոգի:

Ժամը 8-ին ժամանում է Վեհափառ Հայրապետը և ընդունվում է ջերմ, խանդավառ ծափերով:

Նորին Ս. Օծությունը, նախագահության սեղանի շուրջ տեղ գրավելուց հետո, Ս. Պատկաբեկյանի կողմից հանդիսությունը բացում է գեղեցիկ և խանդավառ ողջույնի խոսքով: Այնուհետև Հայոց Հայրապետի օրհնաբեր ներկայությունը սրտագին ուղերձներով ողջունում են համայնական խորհրդի նախագահ է. Պենենյանը, Հայ տան ատենապետ

Ա. Խաչատուրյանը, Հայկական բարեգործական ընդհանուր միության փոխ-ատենադպիր Գ. Թանթան, երիտասարդ մտավորական Ա. Կյուզելյանը հանուն «Արեգակ» ամսագրի և Գրիշա Դավթյանը: Հայաստան Վարդանյանը, որպես Լոնդոնահայ երիտասարդական միության նախագահ, կարդում է հետևյալ գեղեցիկ ճառը.

«Վեհափառ Տեր.

Լոնդոնի հայ երիտասարդաց միության կողմից, որդիական խոնարհությամբ, կողջունեմ Ձերդ Վեհափառության զալուստը, և կմաղթեմ արևշատություն և հաջողություն Ձերդ Վեհափառության:

Մեծն Բրիտանիո այս հյուրընկալ, բայց և այնպես օտար պահերում վրա աճող ու զարգացող հայ երիտասարդությունը հավաքված է մեկ հովանիի տակ, մեկ տան ներքև. կգործեմ մեկ սրտով, մեկ նպատակի համար՝ հայապահպանման համար:

Որեք ազգի մը ապագան նախատեսելու համար, ընկերաբանները կուսումնասիրեն տվյալ ազգի ժամանակի երիտասարդությունը. կնային անոր ֆիզիկականին, մտավոր կարողություններուն և հոգեկանին, ապա կեզրակացնեն, թե այդ ազգը պիտի հաւրաւեն, թե ոչ, և ինչպիսի՞ ապագա մը պիտի ունենա: Այդ բացատրությամբ, ազգի մը կյանքի տվյալ մեկ պահին, նույն ժամանակվան երիտասարդության պատասխանատվությունն է այդ ազգի ապագա գոյության խնդիրը: Լավատեղյակ այդ իրողության և գիտակից իր անցյալին, իր ներկայի կոչումին և ապագային, Հայ երիտասարդաց միությունը իր ուսերու վրա է առած Լոնդոնահայ երիտասարդությունը հայկականությունը ներշնչելու և ոգևորելու սրբազան պարտականությունը. և այժմ, Ձերդ Սրբության ներկայության, կխոստանա փայլուն ապագա Լոնդոնահայ գաղութին:

Պարտիմ հիշել, որ այս նվիրական գործին մեջ մենք վայելած ենք գաղութիս համակրանքը. վայելած ենք տեղվույս բոլոր կազմակերպություններու և միություններու քաջալերանքը, և ի մասնավորի, Վեհափառ Հայր, Ձերդ Սրբության նախանձախնդիր պատվիրակի՝ գերաշնորհ Ս. Պատկաբեկյանի կողմից հովանավորությունը: Վստահ ենք, որ այդ կշարունակվի նաև ապագային, նույն նախանձախնդրությամբ և իրապաշտությամբ: Վստահ ենք նաև, Վեհափառ Տեր, որ Ձերդ Սրբության հովանիին տակ, ներշնչված Ձերդ Վեհափառության հայրական ցուցմունքներով, մենք պիտի կրնանք շարունակել մեր հայրերու գործը և իրականացնել անոնց ազգային մեծ երազը:

Մենք՝ Սփյուռքի հայերս, բայց հայրենա-
վան հայեր, դժբախտաբար կմնանք քիչ մը
մենհաղորդ մեր Մայր Հայրենիքի երիտասարդ
դարյաներու և բույրերու մտածումներուն,
մանոնց հույսերուն և հույզերուն. մենք կտա-
նապինք ուղղակի փոխհարաբերության մը
պակասեն: Արդյոք անոնք ալ կմնան մեզմե
մենհաղորդ...

Ինչպե՞ս կըլլար, Վեհափառ Հայր, եթե
անախաձեռնողը ըլլայի շարժումի մը, որ
ամբարացներ կապը մեր և հայրենիքի երիտա-
սարդության, որպեսզի մեր հոգիներու ծա-
րարը հագեցվեր, որպեսզի մենք, ճերմակ
ջարդի ենթակա երիտասարդությունս, չդառ-
նայինք տարբեր հայեր անոնց համար, և
անոնք ալ տարբեր հայեր մեզի համար, այլ
ըլլայինք մեկ, միացյալ և ամբողջական հա-
յեր, ամբողջական հայրենիքով:

Մենք շատ պիտի բաղձայինք լսել Ձերդ
Վեհափառությունն մեր երիտասարդ եղբայր-
ներու և բույրերու մասին: Վստահ ենք, որ
Ձերդ Սրբության հետ բերած կըլլաք ողջունք
մեր եղբայրներու, համբույրը մեր բույրերու:
Կիսկորեմ, արդարեւ, որ Ձերդ Վեհափառու-
թյան վերադարձին տանիք անոնց ողջուն-
ները մեր, և ըսեք, որ մենք ալ որդիներն ենք
նույն Հայաստանի, որ մենք ունինք հույս
անհատնում, ունինք սեր անաղարտ ու հա-
վատը պողպատյա, և ըսեք, որ մենք կհան-
դիպինք՝ Ձերդ Վեհափառության հովանիին
տակ:

Երիտասարդի մեր անաղարտ սրտերով
կցանկանք, Վեհափառ Հայր, անսպառ հա-
ջողություն, որպեսզի մնաք խորհրդանիշը
համերաշխության և հայկականության, և
ըլլաք նոր օրերու Հայոց Հայրիկ:

Ընդունելության ժամանակ խոսք է առնում
նաև «էջմիածին» ամսագրի խմբագիր Ա.
Հատիտյանը, որը խոսում է հայրենաշունչ
մի կուռ ճառ: Հայ երիտասարդաց միու-
թյան երկսեռ երգչախումբը, շնորհալի ղե-
կավարությամբ Մարյանի, կատարում է «Եր-
կու աշուն» (Ա. Մեստմենց) և «Միփանի քա-
ջեր» (Կոմիտաս) խմբերգերը փայլուն հա-
ջողությամբ, Ռ. Արմենյանի դաշնակի ընկե-
րակցությամբ:

Ընդհանուր խանդավառության և ստեղծ-
ված հայրենաշունչ մթնոլորտի մեջ, խոսք է
առնում Հայոց Հայրապետը, հաղորդելով
լոնդոնահայ ողջ համայնքին «կենարար և
փրկարար ողջունը Մայր Աթոռ Ս. Էջ-
միածին», վկայելով միաժամանակ, որ «հայ
ժողովուրդը ամեն տեղ իր սիրտը կբանա Ս.
էջմիածնեն եկած օրհնության և Ամենայն
Հայոց Հայրապետի առջև», որը մեկ մտա-
ծում միայն ունի՝ Հայ Եկեղեցու միությունը,

զորացումը Ս. Էջմիածնի օրհնության ներքո
և հայ ժողովրդի միասնությունը՝ իր վե-
րածնված Մայր Հայրենիքի շուրջ:

Հանդիսությունը վերջանում է Վեհափառ
Հայրապետի «Պահպանիչ»-ով և հայրապե-
տական մաղթերով՝ «Ամեն հայի սրտից
բխած», երգված երգչախմբի կողմից:

Ետովարի 9-ին, երեքշաբթի, առավոտ-
յան ժամերին, Վեհափառ Հայրապետը ա-
ռաջնորդարանում ընդունում է հայ և օտար
պաշտոնական անձնավորությունների և մար-
մինների ներկայացուցիչների այցելությունը:
Ժամը 3-ին, Վեհափառ Հայրապետը բա-
րեհաճում է իր ներկայությամբ պատվել Խ.
Մըրերայանի ընտանեկան հարկը, ուր իր
բարձր պատվին կազմակերպվել էր թեյա-
սեղան, ջերմ ու սրտագին մթնոլորտում:

Նրեկության ժամը 8-ին, «Ռից» հյուրանո-
ցում, Լոնդոնի հայոց Ս. Սարգիս եկեղեցու
խնամակալությունը, նույնպես Կյուլպենկյանի
նախագահությամբ, Ամենայն Հայոց Վեհա-
փառ Հայրապետի բարձր պատվին կազմա-
կերպում է ընդունելություն, որին ներկա են
լինում Ս. Պսակ և Ս. Կոմիտաս սրբազանե-
րը, Ս. Տաթև վարդապետ Սարգսյանը, Ս. Ար-
սեն վարդապետ Ավետիսյանը, Ս. Ներսես
վարդապետ Պողոպայանը, Ս. Արսեն վար-
դապետ Բերբերյանը, «էջմիածին» ամսագրի
խմբագիր Ա. Հատիտյանը, Գեորգ Քյուր-
նյանը (խնամակալության բարտուղար), Ռ.
Միփայեյանը (գանձապահ), Ա. Խաչատուր-
յանը, Լ. Աբաջյանը, Ն. Էֆենդյանը, Գ.
Կյուլպենկյանը, Վ. Կյուլմուշյանը (անդամ-
ներ):

Ամենայն Հայոց Վեհափառ Հայրապետի
այցելությունը Քենտրբերիի Արքեպիսկոպոսին

Փետրվարի 10-ին, չորեքշաբթի, առավոտ-
յան ժամերին, Վեհափառ Հայրապետը ա-
ռաջնորդարանում ընդունում է մի շարք այ-
ցելություններ:

Ժամը 12-ին, Քենտրբերիի Արքեպիսկո-
պոսը, ի պատիվ Հայոց Հայրապետի, կազ-
մակերպում է ընդունելություն Լամբեթի պա-
լատում:

Որոշյալ ժամին Վեհափառ Հայրապետը,
ընկերակցությամբ Ս. Պսակ, Ս. Կոմիտաս
սրբազանների, Ս. Ներսես, Ս. Տաթև, Ս. Ար-
սեն, Ս. Արսեն վարդապետների և Ա. Հա-
տիտյանի, ժամանում է Լամբեթի պալատը,
որ ողջագուրումով դիմավորվում է Քեն-
տրբերիի Արքեպիսկոպոս ղովտ. Մայքլ
Ռեմզիի և անգլիկան բարձրաստիճան հոգե-
րականների կողմից և առաջնորդվում է հան-
դիսությանը սրահը:

Հայ և Անգլիկան եկեղեցիների պետերի և հոգևորականության միջև տեղի է ունենում ջերմ զրույց սրտագին մթնոլորտում: Այնուհետև Ամենայն Հայոց Վեհափառ Հայրապետը իր շքախմբով առաջնորդվում է ընդունելության սրահ:

Սեղանը օրհնում է նորին Ս. Օծուխյունը:

Հրավիրյալների թվում են Լոնդոնի եպիսկոպոսը, Քենզինգտոնի եպիսկոպոսը, դպտ. Ս. Դովսեթը, Հ. Սատտերվելտը, Հ. Հենրի Կուրեբը, Հ. Դելվիդ Տեստանը և ուրիշներ:

Ընդունելության ժամանակ սեղանի շուրջ ստեղծվում է եղբայրական մթնոլորտ:

Քենտրեբրիի Արքեպիսկոպոսը ջերմորեն ողջունում է Հայոց Հայրապետի այցելությունը Լամբեթի պալատ, այն գնահատելով որպես հայ և անգլիկան եկեղեցիների բարեկամական հարաբերությունների է՛լ ավելի ամրապնդում և հայտարարում է, որ ինքը սիրով ընդունել է նորին Ս. Օծուխյան Մայր Աթոռ Ս. Էջմիածին այցելելու եղբայրական հրավերը և հույս ունի, որ այդ այցելությունը տեղի կունենա 1966 թվականի Զատիկի տոներից անմիջապես հետո:

Քենտրեբրիի Արքեպիսկոպոսը դրվատալից խոսքերով է արտահայտվում Անգլիայի հայոց հայրապետական պատվիրակ Տ. Պսակ արքեպիսկոպոսի մասին, որը ոսկե օղակ է հանդիսանում Ամենայն Հայոց Վեհափառ Հայրապետի և Քենտրեբրիի Արքեպիսկոպոսի միջև և ի նշան սիրո և ուշադրության, Տ. Պսակ արքեպիսկոպոսի կուրծքը զարդարում է Լամբեթի պատմական խաչով:

Իր պատասխան խոսքում Հայոց Հայրապետը ուրախություն է հայտնում, որ ինքը երրորդ անգամ է գտնվում Լոնդոնում և իր սրտում դեռ վառ են առաջին և երկրորդ այցելությունների տպավորությունները: Այնուհետև նորին Ս. Օծուխյունը իր շնորհակալությունն է հայտնում Քենտրեբրիի Արքեպիսկոպոսին՝ եղբայրական ջերմ ընդունելության և հյուրասիրության համար:

Տ. Պսակ արքեպիսկոպոսը շնորհակալության և երախտագիտության խոսք է ասում Քենտրեբրիի Արքեպիսկոպոսին Լամբեթի խաչով իր պարգևատրման համար, այն գնահատելով որպես Անգլիկան եկեղեցու սիրո արտահայտություն դեպի Հայոց եկեղեցին:

Ընդունելությունից հետո, եկեղեցական երկու պետերը իրենց շքախմբերով առաջնորդվում են Լամբեթի պալատի մատուղը՝ մի պահ ամփոփվելու և աղոթելու: Այնուհետև Հայոց Հայրապետը հրավիրվում է խորան իր օրհնությունը տալու, և որից հետո հրաժեշտ

է առնում Քենտրեբրիի Արքեպիսկոպոսից, ներկա հոգևորականներից և բոլոր հյուրերից և վերադառնում հայոց առաջնորդարան:

Հրաժեշտի ընդունելություն ի պատիվ Վեհափառ Հայրապետի

Նոյեմբերի 10-ին, շոբեհաբրի, երեկոյան ժամը 8-ին, Լոնդոնի հայոց համայնական խորհուրդը Վեհափառ Հայրապետի պատվին կազմակերպում է ժողովրդական ընդունելություն «Քենզինգտոն պալատ» հյուրանոցում, ավելի քան 400 հրավիրյալների մասնակցությամբ:


Նորալ ժամին, Վեհափառ Հայրապետը իր շքախմբով մուտք է գործում դահլիճ, ներկաների սրտագին ծափահարությունների տարափի տակ:

Սեղանը օրհնում է Վեհափառ Հայրապետը: Ստեղծված ջերմ հայկական մթնոլորտում, Վեհափառ Հայրապետի օրհնարեր ներկայությունը ողջունում են Ն. Կյուպենկյանը, Հ. Պեքեջյանը, Հ. Գալստյանը, Ա. Խաչատուրյանը, Հ. Թանտան: Խանդավառ և հայրենաշունչ ճառեր են ասում «Արեգակ» ամսագրի խմբագիր Ա. Խյուզեյանը և Լոնդոնահայ երիտասարդական միության նախագահ Հ. Վարդանյանը: Գրիշա Դավթյանը արտասանում է իր «Սփյուռք» բանաստեղծությունը: Երեւելիքներ են ունենում նաև Տ. Պսակ արքեպիսկոպոսը, Ա. Հատիսյանը: Օրիորդ Լուիզ Վարդուկյանը՝ գրադարանպետ Լոնդոնի Հայ տան և մշակութային գործունեությանը հանձնախմբի անդամ, կարդում է հետևյալ բովանդակալից ճառը.

«Վեհափառ՝ Ս. Տեր.

Ինձմե առաջ արտահայտվողները շատ անուշ խոսքեր խոսեցան այս իրիկուն, նույնպես երկուշաբթի գիշեր, երբ Դուք ընդունեցիք Լոնդոնի Ձեր հոտը Քենզինգտոն հովի մեջ: Մեր բոլոր կազմակերպություններում ու պաշտոնական մարմիններում ներկայացուցիչները արտահայտվեցան բարձր տրամադրություններով ու խոսեցան Ձեզի մեր բարի ու ազգօգուտ գործունեություններում մասին:

Այս բնական երևույթ մըն էր հավանաբար: Ձեր ներկայությունը այնպես համակեց մեզ ուրախության հուզումներով, որ մեզի մոռցնել տվավ մեր կյանքին իրական պատկերը... Ձեր հոգեկան ջերմությունը ողողեց մեր հոգիները ու մենք, քիչ մը գինովցած, տարվեցանք մոռնալ, որ իբրև հայ համայնք մենք նման էինք արևեն փրթած ու միջոցին մեջ կորսված փոքր մոլորակի մը, որ քիչ-քիչ կպաղի ու կկորսնցնե իր էական բնույթը:



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԸ ԵՎ ԲԵՆՏՐԲԵՐԻԻ ԱՐԹԵՊԻՍԿՈՊՈՍ ԴՈԿՏ. ՄԱՅԸՆ ՌԵՄՋԻՆ

Ու մեր արտահայտություններուն մեջ մենք մոռցանք այն կյանքը, որ մերն է իսկապես, երբ Դուք մեզ հետ չեք, ու պահ մը կարծեցիկնք ըլլալ այն, ինչ որ չենք արդարեւ:

Երկուշաբթի գիշերվան հիշատակելի հավաքույթին վերջ, երբ մեկնեցա սրահին, ուրախ էի ամենուն նման, սակայն քիչ մըն ալ տխուր, քիչ մը մտահոգ... Ձեր իմաստուն խոսքերն էին, որ այդ գիշեր ինձի մտածել կուտային ու հիմա ալ կթելադրեն ինչ որ կտարվիմ ըսել այս վայրկյանիս:

Վեհափա՛ն Հայր, Դուք ըսիք, որ հայ ժողովուրդը իրավունք ունի այս արեւուն տակ իր լուսավոր տեղը ունենալու, որովհետեւ ստեղծած է բարձրարժեք մշակույթ մը: Ուրեմն կենթադրվի, որ մենք՝ հայերս, օտարներուն պիտի ծանոթացնենք մեր մշակույթը, որպէսզի անոնցմէ կարենանք պահանջել հարգանք՝ մեր ազգին ու մեր իղեալներուն հանդեպ: Սակայն, Վեհափա՛ն Տեր, մենք ինչպե՛ս օտարներուն պիտի ծանոթացնենք մեր մշակույթը, երբ մենք չենք ճանչնար զայն, երբ որեւէ ճիշդ չենք ըներ զայն ճանչնալու և ոչ ալ փափագ ունինք զայն ճանչնալու...: Մենք՝ երեցներս, «գործի մարդ ենք» և մշակութային ձեռնարկներ քաջալերելու ժամանակ չունինք. երիտասարդներս՝ արդեն այլապես զբաղած ենք և ունինք մեր զանազան հետաքրքրությունները, իսկ պատանիներս՝ արդեն պետք եղած չափով հայերեն չենք գիտեր, որ հայ մշակույթին համ առնենք...:

Այնուհանդերձ, մեզի՝ լոնդոնահայերուս համար, «ճերմակ քարդը» տեսական տարազ մը չէ այսօր, այլ շոշափելի իրողություն մը, ամեն օր քիչ մը ավելի խորացող վերք մը, որուն ցավը կզգանք մեր մորթին վրա: Քանի մը տարի առաջ, երբ Միջին Արեւելքին մեծ թիվով հայեր եկան լոնդոնի մեջ հաստատվելու, մեր փոքրիկները անգլիերեն չէին գիտեր, իսկ այսօր, անոնք միայն անգլիերեն գիտեն, և եթէ սրբազան հոր վարած կիրակնօրյա դպրոցը չըլլա, հայերեն՝ այբուբենն անգամ պիտի չճանչնան... Հայ մտքին ու հայ հոգիին դեմ մղված այս «քարդը» կպահանջէ հարատեւ ու գիտակից պայքար՝ մեր հոգեկան զենքերով, հայ լեզվով, հայ մշակութով, հայկական. առողջ ավանդություններու և մեր բարձրարժեք ժառանգությանց նախանձախնդիր պահպանումով: Իսկ այս՝ կպահանջէ զոհողություն, գործնական ու շինարար զոհողություն մեր առօրյա կյանքին մեջ: Անո՛ւրանալի է, որ հայ մշակույթը մեր ամենեն գիմացկուն հոգեկան զենքերեն մեկն է:

Ես խոսք առի որպէս անդամ լոնդոնի Հայ տան մշակութային գործունեությանց հանձնախումբին և արդար ըլլալու համար պետք է ավելցնեմ հետեւյալը. ամեն անգամ, որ երիտասարդներու կամ երիտասարդուհիներու մասնակցությունը խնդրենք մեր ձեռնարկներուն համար՝ գրական երեկո, վիճաբանական երեկո, երաժշտական երեկո և այլն, անոնք սիրահոծաբ կընդառաջեն մեր փափագին ու կըտրուվին մեր շուրջը: Սակայն լոնդոնի մեջ հայ կյանքին գոյատեւումը ավելին կպահանջէ մեր բոլորեն: Ան պետք ունի ինքնաբեր զոհողություններու, որոնց հանձնառու չենք կրնար ըլլալ, եթէ անտարբեր մնանք մեր մշակութային արժեքներուն հանդեպ:

Եհափա՛ն Հայր, պարզապէս քննադատելու համար չէ, որ կարտահայտվիմ այսպէս: Դուք մեր Հայրապետն եք և տեղին էր, որ մեր բազմաթիվ ներկայացուցիչները խոսեին մեր կատարած բարի գործերին. սակայն իրավունք ունիք նաև լսելու այն բարի գործերը, զորս չկատարեցինք և կրնայինք կատարած ըլլալ... Ի վերջո, որպէս մեր հովվապետը, Դուք մեր գերագույն խոստովանահայրն ալ եք: Ու ես կբաղձայի օգտվիլ Ձեր ներկայութենէն, որ ազգօգուտ ծառայություններու մեր ուխտերը կատարվելին մաքուր հիման վրա, առողջ ու իրատես ազգային գիտակցության հիման վրա:

Լսալիսով, Վեհափա՛ն Հայր, Ձեր այցելությունը այս հոտին կդառնա ոչ միայն ճշմարիտ երջանկություն մը, երբ մեզ հետ եք, այլ նաև անհուն բարիք մը Ձեր մեկնելէն ետքն ալ, եթէ միայն կարենանք կենդանի պահել այն ոգին, զոր Դուք ներշնչեցիք մեզի, և որուն ազդեցության տակ այնքան բարի խոստումներ եղան Ձեզի:

Վեհափա՛ն Հայր, մեծապէս երախտապարտ ենք, որ այցելեցիք մեզ, որովհետեւ այս հոտը, այս հանգրվանին վրա, շատ պետք ունեւ իր Հովվապետին. դժվար է այժմէն չափել ամբողջ տարողությունը Ձեր այցելության բարիքին՝ մեր ապագա կյանքին համար: Ու թեև գիտենք, որ Դուք ունիք բազմազան հովվական պարտականություններ էջմիածնի մեջ, մենք հոգեկան պիտի մաղթենք, որ Դուք կարենաք կրկին այդելի ա՛յ հոտին, որ այնքան պետք ունի Ձեզի: Այս հույսն է, որ վառ պիտի պահէ մեր հոգիներեն ներս այս երջանիկ պահերուն կենարար հիշատակը: Վեհափա՛ն Հայր, մենք պիտի սպասենք Ձեր բարի վերադարձին»:

Հանդիսության գեղարվեստական բաժնին իրենց մասնակցությունն են բերում տիկին Վ. Կյուզելյանը՝ երգով, Լյուսի Կոստանյանը՝ արտասանությամբ:



Նվերներ Մայր Աթոռին Վեհափառ Հայրապետի ուղևորության առթիվ

Ընդունելության վերջում խոսք առավ Վեհափառ Հայրապետը և իր ոգևորիչ պատգամն ու օրհնությունը տվեց բոլոր ներկաներին:

Իր խոսքի ընթացքում Վեհափառ Հայրապետը լանջախաշով դարդարում է կուրծքը Քենտրբերիի Արքեպիսկոպոսի ներկայացուցիչ Հ. Դեյվիդ Տեստոնի, իսկ Ս. Գրիգոր Լուսավորչի առաջին կարգի շքանշանով՝ կուրծքը Ս. Մեսրոպ Մաշտոց եկեղեցու նկարադարձանների բարերար, հանրածանոթ հնդկահայ պր. Պետրոս Ալեքսյանի, բոլոր ներկաների ջերմ և սրտագին ծափահարությունների մեջ:

Ս. Գրիգոր Լուսավորչի շքանշանակիր Պետրոս Ալեքսյանը, արցունքոտ աչքերով և խորունկ հուզումով, որդիական երախտագիտություն է հայտնում Վեհափառ Հայրապետին այդ բարձր ուշադրության և հայրական գնահատության համար, հայտարարելով, որ Վեհափառ Հայրապետը բարձր է պահում միշտ իր գործունեությամբ և պատմական այցելություններով Ս. Էջմիածնի դարավոր հեղինակությունը, որը կարևոր ազդակ է միաժամանակ Սփյուռքի հայության միասնականության և Մայր Հայրենիքի հետ կապի ամրապնդման տեսակետից:

Ընդունելությունը վերջանում է գիշերվա ժամը 12-ին Վեհափառ Հայրապետի «Պահպանիչ»-ով:

Փետրվարի 11-ին, հինգշաբթի, առավոտյան ժամը 10-ին, Վեհափառ Հայրապետը իր շքախմբով այցելում է Լոնդոնում սովետական դեսպան Սալդատովին: Ամենայն Հայոց Վեհափառ Հայրապետի և հարգելի դեսպանի միջև տեղի է ունենում ջերմ գրույց, մտերիմ մթնոլորտում:

Այնուհետև նորին Ս. Օծուքյունը առաջնորդարանում ընդունում է բազմաթիվ այցելություններ. և հանդիպումներ է ունենում Ս. Սարգիս եկեղեցու խնամակալության և Լոնդոնահայ համայնքային խորհրդի հարգարժան անդամների հետ:

Փետրվարի 12-ին, ուրբաթ, Վեհափառ Հայրապետը մասնավոր տեսակցություն է ունենում առաջնորդարանում, առավոտյան ժամերին, Արգարյան հիմնադրումի խնամակալության և Էջմիածնի հանձնաժողովի պատվարժան անդամների հետ:

Երեկոյան ժամը 7-ին, Վեհափառ Հայրապետը, Տ. Պսակ արքեպիսկոպոսի և իր շքախմբի անդամների ընկերակցությամբ, ներկա է լինում արքայական «Ալբերտ հոլ» սրահում սիմֆոնիկ համերգին, որպես հյուրը տեք և տիկին Ա. Մուրաֆյանների:

երկկույան ժամը 10-ին, նորին Ս. Օծովյունը իր ներկայությամբ պատվում է Մուրաֆյանների ընտանեկան հարկը, օրհնելով նրանց սեղանի աղն ու հացը:

Փետրվարի 13-ին, շաբաթ, հետմիջօրեի ժամը 1-ին, Վեհափառ Հայրապետը, ընկերակցությամբ Տ. Պսակ արքեպիսկոպոսի և իր շքախմբի անդամների և այլ հրավիրյալների, իր ներկայությամբ պատվում է լոնդոնահայ ծանոթ ազգայիններից Հայկ Գալստյանի ընտանեկան հարկը, ուր իր բարձր պատվին կազմակերպվել էր ընդունելություն, ջերմ մթնոլորտում:

Ժամը 5-ին, լոնդոնահայ երիտասարդաց միությունը, ի պատիվ Հայոց Հայրապետի, կազմակերպել էր թեյասեղան, «Պրինս ավ Վելս» հյուրանոցում:

Սույն հրիտասարդական կազմակերպությունը հիմնվել է 1952 թվականին և այժմ ունի շուրջ 200 երիտասարդ անդամներ, որոնց մեծ մասը բարձրագույն ուսումնական հաստատությունների ուսանողներ են: Երիտասարդաց միությունը կազմակերպում է շշակութային երեկույթներ, դասախոսություններ, ներկայացումներ՝ նպատակ ունենալով ի մի համախմբել, մի հարկի տակ, հայ նոր սերնդին, ապրել հայ ժողովրդի կյանքով, երազներով, մտահոգություններով, օտարներին ծանոթացնել հայ մշակույթի և հայ ժողովրդի պատմության հետ և ամրապնդել կապը Մայր Հայրենիքի և Սփյուռքի երիտասարդության հետ:

Վեհափառ Հայրապետի ներկայությամբ, հանուն միության, ողջունում է Հայաստան վարդապետը: Երիտասարդները երգում են, արտասանում, խոսում իրենց ծրագրերի, երազների, կյանքի և գործունեության մասին և լսում է Հայոց Հայրապետը մերթ խանդավառությամբ, մերթ՝ տրտմությամբ իր պանդուխտ ու տարագիր երիտասարդ զավակների անորոշ բախտի վիճակով մտահոգ, և ապա խոսում է ավելի քան մեկ ժամ, իր ոգևորիչ մտքերն ու պատգամները տալով ներկա բոլոր երիտասարդների միջոցով Սփյուռքի բովանդակ հայ երիտասարդության, իր հայրենաշունչ ոգով լցնելով հայրենակարոտ երիտասարդ հոգիները: «Շատ ավելի դյուրին է անդլիացի, ֆրանսացի կամ ռուս ըլլալ, բայց հերոսական է հայ ապրիլ: Կմաղթեմ, որ երիտասարդությունը այս ամիսն ու վրա հայրենասիրական ճշմարիտ ուղղությամբ զարգանա և գործեն», — եզրակացնում է Վեհափառ Հայրապետը երիտասարդության ուղղած իր պատգամը:

Վեհափառ Հայրապետը հրաժեշտ է առնում Լոնդոնից

Փետրվարի 14-ին, կիրակի, առավոտյան ժամը 10-ին, Լոնդոնի հայոց Ս. Սարգիս եկեղեցում, սուրբ պատարագ է մատուցում Անգլիայի հայոց հայրապետական պատվիրակ Տ. Պսակ արքեպիսկոպոսը:

Սուրբ պատարագին ներկա է նաև Վեհափառ Հայրապետը, որը «Հայր մեր»-ի մամանակ խոսում է հրաժեշտի քարոզը, օրհնելով բոլոր ներկաներին:

Հավարտ սուրբ պատարագի, կատարվում է հոգեհանգստյան մասնավոր պաշտոն եկեղեցու բարերարներ հանգուցյալ Սարգիս և Գալուստ Կյուլպենկյանների բարի հիշատակին:

Ժամը 1-ին, տեղ և տիկին Պետրոս Ալեքսանյանները, ի պատիվ Հայոց Հայրապետի, «Կենդանագտոն պալատ» հյուրանոցում, կազմակերպում են հրամիշտի ընդունելություն, շուրջ 40 հրավիրյալների մասնակցությամբ, որն անցնում է սրտագին, խանդավառ մթնոլորտում:

Վեհափառ Հայրապետը առաջին բաժակը առաջարկում է խմել Անգլիայի Թագուհու կենաց, Տ. Պսակ արքեպիսկոպոսը՝ Վեհափառ Հայրապետի կենաց:

Երբ նկատվում է Պետրոս Ալեքսանյանը երախտագիտության և շնորհակալության ջերմ խոսք է արտասանում Վեհափառ Հայրապետին ուղղվալ:

Շաքե վարդապետը, Հ. Գալստյանը ողջունում են Վեհափառ Հայրապետի ներկայությունը սրտաբուխ հարգանքի արտահայտություններով և բարի ճանապարհ մաղթում նորին Ս. Օծովյան:

Ա. Հատիտյանը բաժակ է բարձրացնում Պետրոս Ալեքսանյանի կենաց, նրան բնութագրելով որպես աղնիվ, հավատացյալ և հայրենասեր հայ մարդու, որի սրտում միշտ վառ է Մայր Աթոռ Ս. Էջմիածնի պաշտամունքը և հայրենիքի սերը:

Երգանդ Նիկողոսյանը կարդում է հետևյալ գեղեցիկ ուղերձը.

«Վեհափառ Տեղ.

Ձերդ Վեհափառության հովվապետական այս բարեբաստիկ այցին առիթով տիկնոջ և իմ որդիական սիրո, հարգանքի և ակնածանքի ամենախորունկ և ջերմ զգացումները կփափագիմ հայտնել Ձեզի և մեր սրտագին շնորհակալությունները աղնիվ տեղ և տիկին Ալեքսանյաններուն՝ այս բացառիկ պատվին և վայելքին համար:

Այսօր ուրախություն մըն է հաստատել, որ Սփյուռքի մեր տրտում իրականության մեջ

Ձեր օրհնաբեր ներկայությունը մեր ժողովուրդին միասնականությունը խորհրդանշող, մեզի համագործակցության ոգի և մեր հոգեկան արժեքներուն հանդեպ խանդավառություն, վստահություն ներշնչող հզորագույն ազդակն է, որ նոր եռանդ, կորով կպարգևե պարտված հոգիներուն և հույս ու հավատը՝ հուսալքվածներուն: Ձեր ներկայության, մեր սրտերը կթոթափեն իրենց վրայեն օտարության աղտն ու փոշին և ավելի զորավոր զարկերով հայրենի կրթաբախեն, որովհետև մեզ մով կզգանք կենսահորդ, թարմ շունչը մեր դրախտագեղ հայրենիքին և կշնչենք խնկաբույր մթնոլորտը Ս. էջմիածնին:

Վեհափառ Տեմ, սրտի անհուն հրճվանքով և երախտիքով կհետևինք Ձեր բոլոր բարի և աստվածահաճո գործերուն մեր նկեղեցիին պայծառությամբ և մեր սրբազան մշակութիւն բարգավաճման ի խնդիր: Կհավատամ խորապես, որ հայուն Աստվածը կրկին տվավ ապացույցը իր սիրուն տասը տարիներ առաջ, բախտորոշ թվականի մը, Ձեզ առաջնորդելով Այրարատյան նվիրական Աթոռին:

Վեհափառ Հայրապետ, ամեն առիթով և անընդհատորեն մեզի կշնորհեք Ձեր հայրական օրհնությունները և մաղթանքները և կհիշեք մեզ Ձեր աղոթքներուն մեջ: Աշխարհացրիվ Ձեր բոլոր զավակներուն զգացումները արտահայտած պիտի ըլլամ, եթե երջանիկ այս առիթով փոխադարձաբար Ձեզի ի սրտե մաղթեմ, որ Դուք երկար և անխռով տարիներ գահակալեք և հովվեք Ձեր հոտը իմաստությամբ և Լուսավորչին, հանճարովը Մեսրոպին, բարությանը Մեծն ներսեսին, արիությանը Ղևոնդ Երեցին, շնորհովը Շնորհալիին և հավատքովը, սիրովը, նվիրումովը և օգնականությամբը մեր երանաշնորհ բոլոր սուրբ հայրապետներուն, ի փառս Ամենակալին և Հայաստանյայց Ս. և Առաքելական Եկեղեցւոյ և հօգուտ բազմաշարժար բարի և արի հայ ժողովուրդին:

Ընդունելության գեղարվեստական բաժնին իրենց մասնակցությունն են բերում տիկին Վ. Կյուլեյանը երգով՝ «Սև աչեր», Ա. Կյուլեյանը արտասանությամբ՝ Հ. Շիրազի «Հայրենիք»-ը:

Հայտնված ջերմ փափագի վրա, Տ. Պսակ արհեսպիսկոպոսը մենեզում է «Հայաստան»-ը, Տ. Կոմիտաս եպիսկոպոսը՝ մի հատված «Դավիթ բեկ» օպերայից:

Վերջում հրաժեշտի հուզիչ խոսք է ասում Վեհափառ Հայրապետը, որի դեմքի վրա ուրախության ճառագայթում կար, ի տես իր հոգևոր զավակների սիրո և հարգանքի, որոնք լույս անհատական զգացումներ և ապրումներ չէին, այլ ունեին համահայկական բույն, տարազ, խտացած յուրաքանչյուր հայ մարդու սրտի տակ: Հայ ժողովուրդը ամեն տեղ նույնն է, իր պաշտամունքով ու նվիրումով դեպի Ս. էջմիածին և Մայր Հայրենիք:

Վեհափառ Հայրապետի հրաժեշտի կենդանի և հուզումնախառն խոսքը ունկնդրվում է երկուդաժորեն, հայրենի, խորազգաց ապրումով: Արցունք կար բոլորի աչքերին, երբ Հայոց Հայրապետը, օրհնելուց հետո հյուրընկալ տեր և տիկին Պետրոս Ալեքսյանի բարեպաշտությունն ու հայրենասիրությունը, հրաժեշտ է առնում բոլոր ներկաներից:

Ժամը 6—8, Վեհափառ Հայրապետը առաջնորդարանում ընդունում է այցելությունը լոնդոնահայ գաղութի մի խումբ ներկայացուցիչներին:

Ժամը 8-ին, Նորին Ս. Օծությունը օրհնաբեր իր ներկայությամբ պատվում է նախկին ուսմանահայ, տեր և տիկին Հայկ և Սալվի Հակոբյանների ընտանեկան հարկը, իր շքախմբի անդամների ընկերակցությամբ, ուր իր պատվին կազմակերպվել էր թեյասեղան:

Փետրվարի 15-ին, երկուշաբթի, առավոտյան ժամը 9-ին, Վեհափառ Հայրապետը իր շքախմբով մեկնում է Լոնդոնից Մոսկվա: Վեհափառ Հայրապետին ճանապարհում են Տ. Պսակ արքեպիսկոպոսը, Լոնդոնի հայոց Ս. Սարգիս եկեղեցու խնամակալության և համայնքային խորհրդի հարգարժան անդամներ, Քենտրբերի Արքեպիսկոպոսի ներկայացուցիչը, Լոնդոնահայ կազմակերպությունների ներկայացուցիչներ և հավատացյալներ: Հրաժեշտի վերջին րոպեներն են:

Վեհափառ Հայրապետը, ներկաների ծափահարությունների և բարեմաղթությունների ներքո, առաջնորդվում է ինքնաթիռ, օրհնելով բոլորին:

Ժամը 9.45-ին ինքնաթիռը բարձրանում է երկինք, ուղղություն վերցնելով դեպի Համբուրգ—Մոսկվա:

Բարի ճանապարհ Հայոց հայրենանվեր Հայրապետին և նրա շքախմբի անդամներին:

